



19. august 2014

UKA 2014/117

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

"Kalaallit Nunaata uuliasiornermut aatsitassarsiornermullu 2014imiit 2018imut periusissaa"-ni nutaami Naalakkersuisunit saqqummersinnejartumi paasissutissat aallaavigalugit aatsitassarsiornermi suliffissuaqarnitta ineriarortinnissaanut periarfissat pillugit apeqquteqaat aallaavigalugu oqallisissiatut siunnersuut.

(Inatsisartunu ilaasortat Sara Olsvig aamma Naaja H. Nathanielsen, Inuit Ataqatigiit)

Tunngavilersuut:

Nunarput aningasaqatniarnikkut annertuumikajornartorsiorpoq. Akileraartarnermut Atugarissaarnermullu Ataatsimiititaliap nalunaarutaani ersippoq, atugarissaarnerup ullumikkut nalunngisatta attatiinnarnissaanut aningaasassaqartitsisinnaanngitsugut, iluarsartusseqqiuttoqanngippat isertitassanillu nutaanik nassaanngikkutta.

Imaappoq inuussutissarsiutinik nutaanik assigiinngitsunillu arlalinnik inerisaasariaqartugut. Ukiuni arlalinni politikkikkut isumaqatigiiffiuvvoq aatsitassaqarnikkut uuliasiornikkullu suliffissuaqarneq inuussutissarsiutit taakku ilagissagaat. Aamma ukiuni arlalinni politikkikkut isumaqatigiissutaavoq sinaakkutissat suut iluanni aatsitassarsiorneq uuliasiornerlu inerisarneqassanersut.

00-ikkut ingerlaneranni atortussiassat akii nunarsuaq tamakkerlugu oqaluttuarisaanermi aatsaat taama qaffasitsigipput. Tamatuma nassataraa Nunatta ataaniittunik isumalluuteqarluni suliniuit aningaasaliinerillu isumalluarfigineqarnerujussuat. 2014-imi pissutsit allanngorsimaqaat. Nunarsuaq tamakkerlugu akit appariartorput, aningaasaliisartullu ilimagisatsinnit mianersornerujussuullutik.

Taamaammat pingaaruteqartorujussuuvoq immitsinnut naapeqatigiilluta aalaakkaassuseq pilersinniarlugu periusissanik inatsisitigullu sinaakkutissanik pilersitsinissarput. Uagut nammineq Nunatsinni ukiuni aggersuni uuliasiornerup aatsitassarsiornerullu tungaatigut suut ilimagisinnaanerlugit ilisimaniassagatsigu, aammattaarli avataaniit aningaasaliisartut suliniaqatigiiffillu ilisimaniassammassuk Kalaallit Nunaanni suut atugassarissanerlugit ilimagisinnaanerlugillu.

2014 aallartilaartoq Naalakkersuisut uuliasiornermut aatsitassarsiornermullu 2014imiit 2018imut periusissaq saqqummiuppaat.

Periusissaq tusagassiutitigut oqallisaqaaq, Inatsisartullu Aatsitassanut Ataatsimiititaliaa juni qaammat periusissaq pillugu tamanut ammasumik tusarniaalluni. Kisianni periusissaq Inatsisartuni partiinit ataasiakkaanit suli oqallisigineqanngilaq. Naak pineqartoq inuutissarsiutinik ingerlatsinermut tamarmut, suliffissaqartitsiniarnermut, avatangiisitsinnut nunarsuarlu tamakkerlugu attaveqarfitsinnut pingaaruteqaraluqaqisoq.

Isumaqpugut soqutiginartusoq tusassallugu partiit ataasiakkaat atortussiassatigut sillimmatitta iluaqutiginissaat pillugit qanoq isumaqarnersut. Atortussiassanut tunngasutigut maanna pisut eqqarsaatigalugit partiit ataasiakkaat qanoq ilimagisaqarpat? Paartit ataasiakkaat inuutissarsiornikkut politikkimi ataqqatigiissuseq qanoq pilersinneqarsinnaasorivaat, inuutissarsiornerpur immikkoortui tamarmik

ineriartortinnejassappata? Atortussiassanut tunngatillugu ulorianartorsiornermut ertiutaasinnaasut ajutoorfiusinnaasullu suut partiit ataasiakkaat takusinnaasoraat?

Qaammatini kingullerni marluissunni oqallinnerup erseqqisumik takutippaa Nunatsinni atortussiassatigut politikkikut isumaqatigiinnissaq aalaakkaassutsillu pilersinnissaa pisariaqartinneqartut. Neriuppugut oqallinneq manna partiit isummersornerisa ersersinnissaannut, neriunartumillu tamatta immikkut isummersornitta paasinerunissaannut peqataajumaartoq.

Isumaqatigiinnginnerup annertunerusup pilersinnissaa siunertaanngilaq. Siunertaavoq kikkut tamarmik pitsasumik siunertaqarlutik politikkikut neriuutiminnik, isummersuutiminnik ernummatiminnillu saqqummiinissaat.

Tamassi torersumik pilersitsiffiulluartumillu oqalliseqataanissassinnik kissaappassi.